

Vlax - Agape Ppenel o Pisipe - God's Love Letter Scriptures

Juaneki 15:9 Me voliu tumen gia sar mo Dad volil man; achen ande mo volipe.

Isaias 43:1,2 - Efesios 2:10 Soke o Del si kai cherda amen; vou cherda amen
ando Jesukristo te sai chera lache ezgode, ta te ppira po drom kai vou
lacharda amenge mai anglal

Jeremias 1:5 - Galatas 1:15 A o Del volisarda man pe gachin kai esvirisarda man
kana me ni sema ni biando ta ikkarda man soke o Del si but lacho,

Juaneki 15:16 Tumen ni esvirisarden man, me esvirisardem tumen, ta ttodem
tumen te den ta te inllaren but drak, ta tumari drak te achel. Sogo ka mangen
me Dadetar ande mo anau, vou ka del tumen.

3 O Trito lil kai Pisisarda o Juan 1:2 Pplala, mangau e Devletar, te llal chuke sukar
ande suako ezgoda, te ave sasto, ta te llal chuke sukar ande cho pachape.

Isaias 43:4 - 1 O Purvo Pedro 2:9,10 A tumen akana sen o foro santo e Devleko,
e popura chachune kai radin e charoke. Gua si te sai sikaven e bare ezgode
kai cherda o Del; te liken katar o truñariko ta te aven karing o villelo. 10
Omanglal tumen ni sena niso, a akana sen foro e Devleko; omanglal o Del ni
prostila tumaro bilachipe, a akana vou volil tumen

Jeremias 31:3 - Efesios 1:4 O Del esvirisarda amen ando Kristo mai anglal te
cherel e ppuv, te sai ava sante ta bi dosake angla le pala po volipe.

2 O Duito Timoteo 1:9 O Del braduisarda amen ta ikkarda amen te ava katar leko
santo foro inai pala vareso kai amen cherdam, soke leki volia saia ta pala o
volipe kai avilale amenchar cheres o Kristo mai anglal te avel o vreme ta e
bursa.

Juaneki 3:16 "Soke pe gachin volisarda o Del e sueto, kai dia pe edine Chave, gia
kogo pachal ande lete, te na jasaol, ta te avel le zivoto ostade.

Oseas 11:8; Isaias 49:15,16; & Isaias 41:13,14

Lukaseki 12:32 "Tumen sen me bakre, na daran. Tumen ni sen but, a o Dad, kai
si lacho, mangla te del tumen e charoina.

Mateo 28:20 Ta sikaven len te arakken sa ezgode kai ppendem te cheren, ta me
sem tumenchar suako llive llik o son e suetoko. Gia te avelpe.

Juaneki 14:1 "Te na tristolpe tumaro lio. Pachan ando Del, pachan i ande mande.

Salmura 23:1 - Juaneki 10:11 Me sem o lacho chobano. O lacho chobano po
zivoto del pala e bakre;

Salmura 23:2 - Apocalipsis 7:17 soke o Bakro kai si po maskaral katar o trono, ka
avel lengo chobano ta ka inllarel len kai si o pai o llundo, Ta o Del ka kosel sa e
ausa katar lenge akka."

Salmura 23:3,4 - Lukaseki 1:79 te del villelo golon kai zivin ando mai baro
truñariko, ta te inllarel amare estope po drom e lachimako."

Salmura 23:5,6 - 2 O Duito e Korintionenge 1:10 O Del arakkla amen katar o
meripe, ta pacha kai vou pale ka arakkel amen.

Filipenses 4:7 Ta o Del ka del tumen pi pas kai si gia bari kai o sueto nasti acharel
la, ta goia pas ka arakkel tumaro lio ta tumare mislura cheres o Kristo Jesus

Proverbele 3:24 & Salmura 4:8 - Juaneki 14:27 "E pas mukau tumenge. Murni pas
dau tumen; ni dau la tumenge gia sar del la o sueto. Te na tristolpe tumaro lio,
na daran

Salmura 33:18 - 1 O Purvo Pedro 3:12 Soke o Del arakkel golen kai si lache
asunel lengo molipe, a inai leke drago e bilache."

Romanonenge 5:2 Pala o Jesukristo sai avilam pasa o Del cheres o pachape,
reslam te la letar gava sukaripe, ta sam zurale, ta chera baripe ande so
adurichara kai ka avel amen iek ttan ando baripe e Devleko

Isaias 55:12 - Lukaseki 19:40 A o Jesus ppenda lenge —Ppenau tumenge kai
gala llene te achen, e barra ka urkin

Juaneki 16:22 I tumen akana sen tristome; A pale ka dikkau tumen, ondaka
tumaro lio ka pperdol veselimatar, veselia kai niko ni ka lel tumendar

Lukaseki 12:9 A o lleno kai ppenela kai ni pinllarel man angla e llene, i o Chavo e
manuseko ka ppenel kai ni pinllarel le angla e suechura e Devleko.

Mateo 10:30 A e bal tumare soreke si llinde e Devletar iek po iek.

Isaias 54:10 - Mateo 24:35 O miloso ta e ppuv ni ka aven ios, a me alava si te
cherdon.

Mateo 11:28-30 Aven mande sa gola kai sen radime ta kai inllaren pparipe, ta me
ka cherau te lelpe tumendar o chiñipe. 29 Kanden mo zakono ta sikon mandar
kai ni istardivau ta mo lio si kovlo ta manchar ka lelpe tumendar o chiñipe. 30
Soke mo zakono sai inllardol ta inai pparo."

Salomon 2:10 & Oseas 2:14,19,20

2 O Duito e Korintionenge 11:2 Soke o volipe kai si man pala tumende avel katar
o Del. Goleke tumen morabi te aven angla o Kristo sargo iek chei kai si mangli
te zinilpe iekke chavea, a gua chavo si o Kristo

Exodus 3:14 - Hebreos 13:8 O JesuKristo si isto gua arachi, allive ta sa e
bursenchar.

Oseas 13:4 - So Cherde e Apostole 4:12 Ande nisavo aver inai braduipe, soke
ande sa o sueto o Del dia amen samo iekke llene kai pala le sai ava braduime

Juaneki 15:14 Tumen sen me amal, te cherden so ppenau tumenge

Juaneki 14:6 O Jesus ppenda leke —Me sem o drom, o chachipe ta o zivoto; niko
ni llal kai o Dad bi murno.

Apocalipsis 3:20 Me sem po udar ta ikkarau; a vareko te asunela mo avazi ta te
putarela o udar, me ka dau ande lete ta ka jau lea, ta vou manchar.